

# ხელშეკრულება

## სახელმწიფო შესყიდვის შესახებ №205

ქ. თბილისი

28 ნოემბერი, 2014 წ.

ერთის მხრივ სსიპ საზოგადოებრივი კოლეჯი „მერმისი“ (შემდგომში – შემსყიდველი), წარმოდგენილი მისი დირექტორის ნონა ლუდუშაურის სახით და მეორეს მხრივ შპს „ეტალონი“ წარმოდგენილი მისი დირექტორის თენგიზ ფილიშვილის სახით (შემდგომში – მიმწოდებელი), ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის ს1 ქვეპუნქტის საფუძველზე, გამარტივებული შესყიდვის საშუალებით, ვდებთ წინამდებარე ხელშეკრულებას:

### 1. ხელშეკრულების საგანი და ობიექტი

1.1 ხელშეკრულების საგანია, (საბიუჯეტო სახსრებით), სსიპ საზოგადოებრივი კოლეჯის „მერმისი“ „სასურსათო პროდუქტების ეკოლოგიური კონტროლის სპეციალისტის“ III საფეხურის პროფესიული სტუდენტებისათვის პრაქტიკული უნარ-ჩვევების განვითარების ხელშეწყობასთან დაკავშირებული მომსახურეობის (კვირაში 3 დღე) მოწოდების სახელმწიფო შესყიდვა, წინამდებარე ხელშეკრულებით გათვალისწინებული პირობების შესაბამისად გამარტივებული შესყიდვის საშუალებით. ( CPVკოდი 80212000)

1.2 ხელშეკრულების ობიექტია: შემსყიდველსა და მიმწოდებელს შორის წარმოშობილი ურთიერთობები, რომელიც დაკავშირებულია საგანმანათლებლო საქმიანობიდან გამომდინარე პროფესიული სტუდენტების პროფესიული უნარ-ჩვევების განვითარებასთან.

### 2. ხელშეკრულების ღირებულება

2.1 შესყიდვის ობიექტის ფასი განისაზღვრება ლარებში.

2.2 შესყიდვის ობიექტის საერთო ღირებულება შეადგენს: 300 (სამასი) ლარს.

ხელშეკრულებით გათვალისწინებული თანმდევი ხარჯების (დ.დ.გ და სხვა) ჩათვლით.

### 3. შესყიდვის ობიექტის ხარისხი

3.1 მიმწოდებელი იძლევა გარანტიას, რომ მოწოდებული მომსახურების ხარისხი უპასუხებს ხელშეკრულების პირობებს და დააკმაყოფილებს „სასურსათო პროდუქტების ეკოლოგიური კონტროლის სპეციალისტის“ პროგრამის სტანდარტს.

### 4. შესყიდვის ობიექტის მიწოდების პირობები

4.1 შესყიდვის ობიექტის მიწოდების ადგილია: ქ. თბილისი, ჩარგლის ქუჩა №73 შპს „ეტალონი“-ს საგამოცდო ლაბორატორია.

4.2 მიმწოდებელი ვალდებულია გაუწიოს შემსყიდველს „სასურსათო პროდუქტების ეკოლოგიური კონტროლის სპეციალისტის“ პროგრამით გათვალისწინებული შესაბამისი მომსახურეობა.

4.3 მომსახურების გაწევის პარალელურად, მიმწოდებელმა უნდა უზრუნველყოს მომსახურების გაწევასთან დაკავშირებული საგადასახადო დოკუმენტაციის წარმოდგენა.

4 მიმწოდებელი ვალდებულია უზრუნველყოს მომსახურების მიწოდება 2014 წლის 1 დეკემბრიდან 2014 წლის 31 დეკემბრის ჩათვლით.

### **5. შესყიდვის ობიექტის მიღება-ჩაბარების წესი**

5.1 შესყიდვის ობიექტის მიღება ფორმდება მიღება-ჩაბარების აქტით, შემსყიდველისა და მიმწოდებელის მიერ საამისოდ უფლებამოსილი წარმომადგენლის ხელმოწერით.

5.2 ხელშეკრულებით გათვალისწინებული მიღება-ჩაბარების აქტის გაფორმებაზე უფლებამოსილი პირია სსიპ საზოგადოებრივი კოლეჯის „მერმისი“ სასწავლო და საწარმოო პრაქტიკის მენეჯერი ოლღა ციციშვილი.

5.3 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია. წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.

### **6. ანგარიშსწორების ფორმა, გრაფიკი (ვადები) და ადგილი**

6.1 მიწოდებული ობიექტის ღირებულების ანაზაურება მოხდება უნაღდო ანგარიშსწორებით, ლარებში.

6.2 ანგარიშსწორება განხორციელდება მიღება-ჩაბარების აქტის გაფორმებისა და მიმწოდებლის მიერ ანგარიშსწორებისათვის საჭირო საგადასახადო დოკუმენტაციის წარმოდგენიდან 10 სამუშაო დღის ვადაში.

### **7. მხარეთა უფლება-მოვალეობანი**

7.1 შემსყიდველს უფლება აქვს:

7.1.1. შეამოწმოს მოწოდებული მომსახურების ხარისხის შესაბამისობა ხელშეკრულებით გათვალისწინებულ პირობებთან.

7.2 შემსყიდველი ვალდებულია:

7.2.1 განახორციელოს სასწავლო პრაქტიკის გავლასთან დაკავშირებული ქმედებების სამართლებრივ-დოკუმენტური და საკონსულტაციო-მეთოდური უზრუნველყოფა;

7.2.2 მიაწოდოს მონაცემები მიმწოდებელს პროფესიულ სტუდენტთა ვინაობის შესახებ;

7.2.3 მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.

7.2.4 დაიცვას ხელშეკრულებით გათვალისწინებული ყველა პირობა.

7.3 მიმწოდებელს უფლება აქვს:

7.3.1 მოსთხოვოს შემსყიდველს მოწოდებული მომსახურების ღირებულების ანაზაურება ხელშეკრულებით გათვალისწინებული პირობებით.

7.4 მიმწოდებელი ვალდებულია:

7.4.1 შექმნას სასწავლო პრაქტიკის პროგრამის სრულყოფილად გავლის და მაღალკვალიფიციურ სპეციალისტად ჩამოყალიბების მიზნით საჭირო საზოგადოებრივი შრომის უნარ-ჩვევების განვითარების ყველა აუცილებელი პირობა.

7.4.2 გაუწიოს შემსყიდველს „სასურსათო პროდუქტების ეკოლოგიური კონტროლის სპეციალისტის“ პროგრამით გათვალისწინებული შესაბამისი მომსახურება.

7.4.3 პროფესიულ სტუდენტებს გააცნოს მოქმედი წესები: შინაგანაწესი, ტექნიკისა და ხანძარსაწინააღმდეგო უსაფრთხოების ნორმები, პრაქტიკასთან დაკავშირებული პირების სამუშაო აღწერილობები;

7.4.4 მთელი სასწავლო პრაქტიკის მანძილზე პროფესიულ სტუდენტებს შესთავაზოს სიცოცხლისა და ჯანმრთელობისათვის უსაფრთხო სასწავლო გარემო.

7.4.5 დაიცვას ხელშეკრულებით გათვალისწინებული ყველა პირობა.

## **8. მხარეთა პასუხისმგებლობა ხელშეკრულების დარღვევისას**

8.1 მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

8.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ ( დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

8.3 ხელშეკრულების მოშლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულებების შეუსრულებლობით.

8.4 ხელშეკრულების მოშლასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსი.

8.5 ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ვალდებულების შესრულების ყოველ ვადაგადაცილებულ დღეზე ხელშეკრულების საერთო ღირებულების 0.05%-ის ოდენობით, ხოლო თუკი ადგილი აქვს ვალდებულების ნაწილობრივ შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.05%-ს.

8.6 იმ შემთხვევაში, თუკი მხარის მიერ გადასახდელი (მხარისათვის წინამდებარე ხელშეკრულების შესაბამისად დაკისრებული) პირგასამტეხლოს საერთო ღირებულება გადააჭარბებს ხელშეკრულების საერთო ღირებულების 5%-ს, მეორე მხარეს უფლება აქვს ცალმხრივად მოითხოვოს ხელშეკრულების მოშლა და მიყენებული ზიანის ანაზღაურება.

## **9. ხელშეკრულების მოქმედების ვადა**

9.1 ხელშეკრულების მოქმედების ვადა განისაზღვრება 2014 წლის 1 დეკემბრიდან 2014 წლის 31 დეკემბრის ჩათვლით.

## **10. ხელშეკრულების პირობების გადასინჯვის შესაძლებლობა**

10.1 წინამდებარე ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

## **11. ფორს-მაჟორი**

11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების

ულების შეფერხება ან მისი ვალდებულებების შეუსრულებლობა არის ფორს-მაჟორული შემთხვევების შედეგი.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელი და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობების და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## **12. დავები და მათი გადაწყვეტის წესი**

12.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

12.2 შეთანხმების მიუღწევლობის შემთხვევაში მხარეები მიმართვენ სასამართლოს საქართველოს კანონმდებლობის შესაბამისად.

## **13. ხელშეკრულების ინსპექტირების პირობები**

13.1 ხელშეკრულების შესრულების კონტროლს შემსყიდველის მხრიდან განახორციელებს წინამდებარე ხელშეკრულების 5.2 მუხლში აღნიშნული პირი.

13.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს მოწოდებული მომსახურების დეფექტის სათანადო მიზეზების მითითებით.

13.3 გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

## **14. სხვა პირობები**

14.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

14.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3 მესამე პირთნ ურთიერთობაში მხარეები მოქმედებენ თვითნებურად, სახელით, ხარჯებითა და რისკით.

14.4 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან, (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმით იქნება შედგენილი და ხელმოწერილი მხარეთა მიერ.

**15. მხარეთა იურიდიული მისამართები და რეკვიზიტები**

შემსყიდველი:

სსიპ საზოგადოებრივი კოლეჯი „მერმისი“  
მისამართი: ქ. თბილისი, გურამიშვილის გამზირი 72ბ, ს/კ 209467646;  
სს. საქართველოს ბანკის ც.ფ. ბანკის კოდი BAGAGE22 ა/ა GE32BG000000120918300

დირექტორი: ნონა ლუდუშაური

(ხელმოწერა)



მიმწოდებელი:

შპს "ეტალონი" მისამართი: ქ. თბილისი, ჩარგლის ქუჩა №73; ს/კ 200141612,  
ტელ: 2.6153 39, 599 330551  
სს. საქართველოს ბანკის ც.ფ. ბანკის კოდი BAGAGE22 ა/ა GE32BG000000116674200

დირექტორი: თენგიზ ფილიშვილი

(ხელმოწერა)

